



ՆԱՅԿԱԿԱՆ ՍԱԹԵՄԱՏԻԿԱԿԱՆ ՄԻՈՒԹՅՈՒՆ
 Ալեք Մանուկյան 1, Երևան 375049, Հայաստանի Հանրապետություն
 հեռ.597196

ՏԵՂԵԿԱԹԵՐԹ 4 (հունիս 1992 թ)

Լրացել է Հայկական Մաթեմատիկական Միության գործունեության մեկ տարին: Այդ ժամանակաընթացքում զգալի աշխատանք է կատարվել, բայց անելիքների գերակշռող մասը դեռևս առջևում է: Սեփական տեխնիկական միջոցների բացակայությունը խոչընդոտում է Միության լիարժեք աշխատանքը, սակայն ավելի անհանգստացնում է անդամների ցածր ակտիվությունը: Միությունը ստեղծելիս գլխավոր գաղափարն էր համախմբել մաթեմատիկոս-անհայրենիներին, որոնցից յուրաքանչյուրը կարտահայտվեր ի օգուտ Միությանը և, վերջապես, ի օգուտ իրեն:

ՊԺԱՄԱՆԱԿԱԳՐՈՒԹՅՈՒՆՆԵՐԹ Մայիսի 26-ին (1992թ) հուրիդի 5-րդ նիստում որոշվեց՝ ա) սահմանել անդամավճարների նոր չափը, բ) գրասենյակային աշխատանքների կատարումը ապահովելու նպատակով հրավիրել թղթավար-քարտուղարուհու, գ) ճշգրտել արտասահմանցիների Միությունը ընդունվելու կարգը:

* Նույն օրը Ժ.18.00 անց է կացվել ակադեմիկոս Արտաշես Շահինյանի 85-ամյակին նվիրված հանդիսավոր նիստ: Երեկոյի ընթացքում հիշողություններով կիսվեցին պրոֆ. Ալեքսանդր Թալալյանը, Նորայր Առաքելյանը, Ֆիլիկոս Գուրգեն Հովհաննիսյանը: Իրենց հուշերը պատմեցին նաև պրոֆ. Նորայր Ենգիբարյանը և Հանրի Ներսիսյանը: Ակադեմիկոս Շահինյանի գիտական աշխատությունների մասին Վեկուցեց դոց. Իսայի Միքայելյանը, որին լրացրեց պրոֆ. Նորայր Առաքելյանը:

ՇՆՆՈՐՀԱԿԱՆՈՒԹՅՆՆԵՐԹ "Տեղեկաթերթի" վերջին երկու համարները հավաքված էին IBM PC/AT համակարգչի վրա համալսարանի ՀԿ տնօրեն պրն. Գենադի Թերպիկյանի հովանավորությամբ և ծրագրավորող օրդ. Գոհար Սահակյանի աջակցությամբ:

ՉԱՅՏԱՐԱՐՈՒԹՅՈՒՆՆԵՐԹ Հունիսի 23-ին (երեքշաբթի), Ժ.17.00 տեղի կունենա ՀՄՍ հուրիդի նիստը հետևյալ օրակարգով. ա) նոր անդամների հաստատում, բ) ՀՄՍ մրցանակների հիմնադրում, գ) Միության առաջիկա (հետաքննարկողային) անելիքների քննարկում:

* Նույն օրը Ժ.18.00 նշանակված է ՀՄՍ ընդհանուր գիտական նիստ: Զեկուցող՝ դոկտոր Շուրա Բոլոյան (Ճարտարագիտական համալսարան)

ԴԻՍԿՐԵՏ ՍԻՆՏԱՆՆԵՐԻ ՀԱՆՐԱՀԱՇՎԱԿԱՆ ՆԿԱՐԱԳՐՈՒԹՅՈՒՆԸ

Հրավիրվում են ՀՄՍ բոլոր անդամները:

ՊԻ ԳԻՏՈՒԹՅՈՒՆՆԵՐԹ Հայտնում ենք, որ այս տարվա փոքրագույն մուծումն է 50ռ (գումարած 25ռ մուտքի համար, եթե դեռ չի մուծված): Խնդրում ենք բոլորին պարտքերը մարել ատենապետ Կ.Օհանյանի մոտ (համալսարանի մաթեմատիկայի ֆակուլտետի հավանականությունների տեսության ամբիոնում կամ ընդհանուր նիստի ժամանակ կամ էլ փոստով): **Միջոցների սղության պատճառով "Տեղեկաթերթի" հաջորդ համարը կբաժանվի միայն պարպը չունեցող անդամներին:**

* Ստեղծվում է ՀՄՍ անդամների և, ընդհանրապես, հայ մաթեմատիկոսների տվյալների բանկ: Խնդրում ենք լրացնել տվյալների թերթիկը և վերադարձնել ՀՄՍ գրասենյակ, կցելով նրան անզերեն տարբերակը նույն տեսքով առանձին թղթի վրա:

ՉԱՎԵԼՎԱԾ Այս համարում շարունակում ենք հրապարակել ՀՄՍ դիմող և հուրիդի կողմից հաստատված անդամների ցուցակը (ըստ ներկայացված դիմումների ժամկետի): Տվյալների փոփոխությունների դեպքում խնդրում ենք տեղեկացնել Միության գրասենյակ: